

Kayëte ndënkwëryënkw mba Piyer

Wade yehëhna kayëte Piyer

Piyer afayik Yesu Këris yeho. Yesu macëkawo wati nte pëladëhëhniwō wëyis ña. (Lik 5.1-11; Matiye 4.18-22) Wati rac Simo macëdeho. Ahwëhn a Yesu nkwëcëtëkawo wãc ÿa Simo maca Sefas (San 1.42), umë fëhnëtanëk taka (gë watëvav ña, «pierre»).

Wati nte ndokunjëdëho Yesu ña, Piyer darël lëwū nkeho kwëlëkwël. Mama nkehahnëko rac, anjahëtakawo Ahwëhn a wahwënta warar, gante ntehnëkawo Yesu ka ani gë pëlahnënde ÿa. Ankentahniko hnë viyary vëryënkwëryënkw g'iyag nte pëyayiniho ibëhn Yesu ña do, ga ndëcëk watac, nko ko kahnënda hnë pëyahh Wanës Wakasëk hna.

Ntiyahnekëfu paryi Piyer Rom hna nkeho ga cëmëk Afayik Pol hnë bëhn wafëhw imbëd g'iryaw gë warar ma bëhn wafëhw imbëd gë ryaw gë wahnah (63 gë 64) ga ndëcëk hnagi Yesu ÿa.

Piyer kerëhnëkëhniwo kayëte ntëwū ña vële hwëtahnëk ye hnë vankol imbëd vambë Asi Toy hn'ile macik gaki Tirëki hna. Andënkwëtehnëdëhëhni wayëhw nuñani hnë Këris hna do kamënañëhnëhni fëna mañëhnëniha Wënu ña paß gë wahorot do ibërehn soñe ikwëtahn ntëw hni Këris ña.

Piyer tēyēdēhēhni fēna ntēnēnēlēni: ale-wo-ale paß gē vēsankaf va, vērionkuṅ va paß gē vēle hwēhnēkēhni, vēsēval va paß gē vēsān hni, do vēsān va paß gē vēsēval hni.

Wēlin wanēs wakwēhn nafa hn'iṅi kayēte: uhorot, imawēhn, wameh, iyir.

Wēlin gante nke kayēte ka:

Simpaŷi (1.1-2)

Itama g'imac njasa pacah (1.3-2.3)

Itaka nte yēnēd gē bulunda le rēhnayik (2.4-12)

Imawēhn (2.13-3.7)

Uhorot lakēnde alind ufērēn (3.8-22)

Itav wameh do dēmal (4.1-11)

Mbetani vēle horotēd had Kēris (4.12-19)

Vicēr gē vēle hahnēndak va (5.1-11)

Simpaŷi rēkwa (5.12-14)

Simpaŷi

¹ Ami Piyer, afayik Yesu Kēris ŷa, herēhnēryidēhu wūhnē vēle tēhnak do ye vēhneh sampēk hnē wayal Pon gē Galasi gē Kapadōs gē Asi do gē Bitini vi. ² Wēnu ṅa Rēm ŷa tēhnaku had gante njētēko kobēri ka; gē Iyir Ipacah ṅa pitirun soṅe lēwū. Ha, tēhnaku dānko aŷawēhnahnuna Yesu Kēris do pacēnahnu g'icēlēvahn sat lēwū ŷa.

Arabi ipērēna ṅa gē yam ŷa nkwēnawu dūs!

Itama nte wok cēmēdīna

³ Cēmbēnēfuna ale ye Wēn gē Rēm Ahwēhn fu ŷa Yesu Kēris: hnē ikaŷēhnahn cankaf ntēwū hna, anagēkēfu g'ahawāry g'imat Yesu Kēris fagant vēsēm, soṅe nuŷayin itama nte wok

cēmēdina, ⁴ do soŋe nuŷayin intēw̄ inte wok bēvēdina muk, tonkēdina, do igwam ntēw̄u ŋa cēvēdina. Irac kwētēhnēku mbin hna, ⁵ w̄uhnē vēle keryēd gē fanka falēw̄u fa, gē fere ikwētahn soŋe ipēh nte fēhwētak tufēhna wati rēkwa hna. ⁶ Soŋe umē pēbēryiw̄u uhnatah w̄a, lakēnde soŋe wati roy tēfēka ahoroteyehniw̄u gē fop wasifa wayēkēhnahn. ⁷ Iyi horot tufahnēd ikwētahn hun ŋa paryi nke. Sanu ŷa kođe pērēkani, bare hwēdēh hna nuđe bi nkwamēk. Aki fēna ikwētahn hun ŋa le ŷak hnēfak gē sanu ŷi njēkēhnahnik hnē fop wasifa wahorot hna, soŋe njētahni njaw̄ēk. Tac fac le mbokajēd Yesu Kēris ŷa, gē fere ikwētahn hun ŋa nkeď idēwan, icēmb do idēnēn. ⁸ Ŋahnēruneha hara nulunahna, gaki kwētahnēruneha hara nulunahna, do uhnatah hun w̄a camēk hafo le nkoyik kođena tēfētayi gē wanēs, ⁹ kabi tēkēn ŋa rēkēnēdun ile njēkēlehnēd ikwētahn hun ŋa: umē ye ipēh walaw̄ary hun w̄a.

¹⁰ Kobēri ŋa, wakila Wēnu ŋa njēkēlehnēni paryi nuni hak Wēnu ŋa pehētēdēhēhni vahnē va. Apēyahnēniho soŋe iŋi peh nte njēďadēhu Wēn. ¹¹ Wakila watac njēkēlehnēni njētēni guve do hak ntiyaď irac. Iyir Kēris ŋa hnē vēhni nkeho, do pēyahnēko kobēri ŋa wahorot wale rēfēkawo nuŷa Kēris ŋa do g'icēmb inte rēfidēha ŋa. ¹² Wēnu ŋa njētēndanēkēhni waŋi wanēs gena soŋe lēw̄ hni dēnk, bare soŋe hun yēďahnik. Doliyi vēfēyahn Wanēs Wakasēk ŋa nēsēhnēnihu watac gē Iyir Ipacah nte yēďahnijik ambin ŋa. Do wamēleka ŋa dēnk ñaďēni đus

njëtëni rac.

Imac njasa pacah

¹³ Soje umë ye, naharyin ile rëfëka aliwu ŷa, nëgaryin do kwëtëryin fop tama hun ŷa hnë uyëd ipeh nte yëfaderun fac le mbokajëd Yesu Këris ŷa. ¹⁴ Maŷëhnëryina Wënu ŷa had vutah vupërën: Ant'arëfu viña vimeh wabë kobëri ŷa, wati nte nkorunëho yëtëluhna toña ŷa. ¹⁵ Bare had gante pacëk ale ŷacëku ka, ŷuhnë fëna geryin vëfacah hnë fop vankeya hun hna, ¹⁶ kabi kerik: «Geryin vëfacah, kabi ami pacëbu.»☆

¹⁷ Hnë wayëfa hun hna, macëdunëha «Apa» ale hitinjëd ale-wo-le ile ntik ŷa hara dëbëndëlehnëlihëhniha vahnë va. Soje rac ye, geryin vëlënën Wën, wati le yehahnërun nkal li. ¹⁸ Ankeya nte hnuŷarun gë vacërakëlo hun vi yiryeryëdina karyënkwa. Bare njëtërun, Wënu ŷa cosahnëk icos cankaŷ soje pehëtahnu hnë aŷi sifa nkeya. Dinahna gë viŷë vile fërëkad, had sanu ma kori. ¹⁹ Bare pehëtëku gë sat fërën Këris ŷa, umë ale ye had fape fante wok kwëhnana dahëse ŷëh do ñoñ nuçëna ile wek. ²⁰ Wënu ŷa tëhna kawo ani gë ntihahnënd duniŷa ŷi, atufahnëka gaki hnë waŷi wawati wale ye warëkwa, soje hun. ²¹ ŷuhnë, paŷ gë Këris kwëtahnërunëha Wënu ŷa, umë ale vëhnëndanëka fagant vësëm do yëdaka icëmb; aki kwëtëdun ikwëtahn hun ŷa do itama hun ŷa Wën hna.

²² Maŷëhnërun toña ŷa do koyëna pacënërun vintaŷary hun va, alihahnu injahnël catah

☆ **1:16** 1.16: Soje Walevi 19.2

věyěnta hun. Nahněleryin dŕus gě věyěnta hun gě ntaŕary hun fop. ²³ Nagirun hně uwám hasěk, ule wok matina hně uhněda ule fud bare ule watik hně uhněda ule wok cemedina: Waněš Wěn wabě kantēm. ²⁴ Kabi, «Mbahn ňi nke had dël, do fop icemb dēwu ňa had ufētel dël; dël ňa kankēd do ufētel ulēwu ŵa njođ; ²⁵ bare unēs Ahwēhn a nkođ kantēm.»[✧] Uwi nēs, Waněš Wakasěk wante fēyayirun ye.

2

¹ Doliyi cañētaryin fop ile ŵek; antē arokawūna ahnē, antē ayewu vēhurubak, antē ayewu vēyēŵary, antē ahnēsu wameh vēyěntaŵu. ² Had fanul, balēryiŵu wamběl wapacah wante ryavēd ntaŕary dŕanko, g'umē, ahnaŷentiŵu hn'ipeh hna, ³ kabi, had gante nēsěk vikerēh ka: «andahērun gante nējěk Ahwēhn ka.»[✧]

Itaka nte yēnēd gě bulunda le rēhnayik

⁴ Pēharyina Ahwēhn a Yesu. Umē ye itaka inte yēnēd. Vahnē va cañētaniha, bare Wēnu ňa tēhnaka, do nkwamahnēkawo. ⁵ Wuhnē fēna, nkerun had wēraka wale yēnēd wale yeryahnik cery nte nkehahnēk Iyir Ipacah, soje ayehahnu bulunda facah vēsēna wasadēha, soje asēnahnu wasadēha gante ntehnēku Iyir ka, do Wēnu ňa tebad soje Yesu Kēris. ⁶ Ha, ntehnik hně Vikerēh hna: «Wēli, atēhnaŕu itaka nte hnēfak

✧ **1:25** 1.25: Esayi 40.6-8 ✧ **2:3** 2.3: Wahnēŵ 34.9

do kwëtëbu hn'inaw̃ Siyo hna taka
ndënkwëryënkw.

Ale hwëtëk ikwëtahn ntëwu ɲa hnë ŷalu
yëtëdīnahna muk usëfëhnah.»[☆]

⁷ Soɲe w̃uhnë vële hwëtahnëk, untënah. Bare
soɲe vële wok vëhwëtahnëna va,
«Itaka inte cañëtaniho vëvëry vacery ɲa
vacak ye tame inte mbëryahnëk Wënu ɲa
cery ntëwu ɲa fop.»[☆]

⁸ Do fëna ntehnik:

«Taka nte nkëwëdëni vahnë,
taka nte hëfëd.»[☆]

Nkëwëdëni vahnë vërac kabi vëwawëhnëna
wanës Wënu ɲa do koyëna nuŷadëni ile
pëhwëtaniniho ŷa.

⁹ Bare w̃uhnë, bulunda ile rëhnayik yerun,
vësëna wasadëha ahnaw̃, bulunda facah, vahnë
vële kwëhnëk Wën. Atëhnaku soɲe afëyahnu
vantiyehn vacamah vante ntik, umë ale w̃acëku
asahnu mëhwëry hna, arëнку humpen hu-
camah hudëwu. ¹⁰ Kobëri ɲa, gelunohna
bulunda, bare gaki bulunda Wën yerun; kobëri
ɲa yëtëlnohna ikaŷëhnahn Wën, bare gaki
nuŷarun ikaŷëhnahn ntëwu.[☆]

¹¹ Vëyënta mën, w̃uhnë vële ŷahnëbu dus,
w̃uhnë vële ye vëhneh nkal li, vële ryëcalëd,
nkaŷëtamu, tavëryin viña vimeh mbahn vinte
wëtaryëd ntawary hun. ¹² Kwëhnaryin njasa
përën fagant vële wok vëhwëtahnëlahna Këris;
koyëna, lakënde mërahnëndënihu, ntehnëndëni
vëwën yerun, afo njavëtëni vantiyehn vapërën

☆ **2:6** 2.6: Esayi 28.16 ☆ **2:7** 2.7: Wahnëw̃ 118.22 ☆ **2:8** 2.8:
Esayi 8.14 ☆ **2:10** 2.10: Ose 1.6,9; 2.1,23,25

hun va do cëmbëdëniha Wënu ɲa fac le njijëd hna.

Imawëhn vësankaf

¹³ Soɲe Ahwëhn a, mawëhnëryina asankaf-wo-asankaf: ahnaŵ ale ye nkaf vësankaf fop, ¹⁴ do waguverëner vële payëk va soɲe korotehnëhni vële wënedf va do cëkwaryënihëhni vële lid ufërën va. ¹⁵ Kabi ile ñad Wënu ɲa ye, vantiyehn hun vapërën va remënayehnëkëhni vëhnëkwah vële wok vëyëtëna iñë. ¹⁶ Geryin vahnë vële ye afaya, bare paya hun ɲa antë coŵ wameh wante lidun ɲa; geryin vëramp Wën. ¹⁷ Dënëneriyinëhni vahnë va fop, ɲahnëryinëhni vëyënta hun hn'ikwëtahn hna, mawëhnëryina Wënu ɲa, dënëneriyina ahnaŵ a.

Imawëhn vëryokuɲ

¹⁸ Vëryokuɲ, mawëhnëryinëhni vahnë vële ryokuɲehnëdëhu, do dënëneriyinëhni, gena vële fërënak do ryuñënanëdëhu fo, bare gë vële fërëkak per. ¹⁹ Toña ye, ge mëkarun wahorot wale wok tëfëluhna, do ryuñënarun soɲe idënën Wën, rac ye nëfak paryi ÿa. ²⁰ Injehne cëmb yehëhna ge d'uñënarun daf soɲe ile wënerun ya? Bare ge d'uñënarun wadaf ɲa soɲe ufërën ile lirun ÿa, nëfak paryi ye haryënkW Wën hna. ²¹ Gena bi rac macëku Wënu ɲa? Kabi Këris fëna korotëk soɲe hun; atufëku nkaŵ ɲa d'anko arëfu vacëbëtël vantëŵu va.

²² «Umë dina la uŵeh ryampo,
wëla hwënta ryampo tokana ahnë.»✧

✧ **2:22** 2.22: Esayi 53.9

²³ Umë ale ýewík, maŵëna njewëg, hnë horot lëwu hna nësëna ntini wëh, bare kwëtëk tama ntëwu ña hnë Ahitiñ asatah hna; ²⁴ umë ale, hnë mbahn dëwu hna, ndibëk wameh wadëw fu ña kërëwa hna, d'anko tavahnin wameh fu ña, do nkehahnin hnë uwám satah; umë ye ale sërehnik soñe njërahnin. ²⁵ Akwëyerunëho had wape, bare gaki mbokajërun gë cape aheryeherya, ayawñ walawñary hun.

3

Vësëval va gë vësan va

¹ Wuhnë vësëval va fëna, tëfëka aŵawëhnënduni vësan hun. Ge ntirun koyëna, vëryampo hnë vëhni, lakënde vëhwëtahnéna Wanës Wënu ña, ge njëkëni vankeya hun va, akwëtahnédëni. Do fop iýin wëla nësëluhna, ² kabi nudëni gante pacëk vankeya hun ka do tufahnëd untënah. ³ Ant'aryëñu igwamëna mbahn, had ryañ mul, ma liya wëkayët sanu, do cud'a viyi vëhambah ntawi. ⁴ Hali, gwam hun ña tëfëka nke mbë bambery ntawary hun hna, mbë hakili hnëñah do hwëhn yam. Iyi sifa gwam përekadina muk, do kwëhna vëhni Wën hna nafa sankaf. ⁵ Kobëri ña aki kayëtafëniho vësëval vëfacah vële hwëtëko tama dëw hni ña Wën hna: ntënënedënihëniwo vësan hni. ⁶ Aki nkeho Sara. Ntënënekawo Abëraham; macëdëhawo Ahwëhnu. Wuhnë fëna nkedun had Sara ge ntirun ufërën hara ñoñ dakëluhna. ⁷ Wuhnë vësan va fëna, pabëryinëhni dus vësëval hun va do geryin ndampo fo, dënkwëtaryindën fanka hun fa këñëlahnéna gë

fanka falëw̃ hni fa. Dënënerÿinëhni, nuÿadëni had w̃uhnë uwám sër le njëdfand Wën. Dirÿin koyëna ðanko wayëfa hun w̃a antë mbok memaÿehni.

Uhorot lakënde alind ufërën

⁸ Wëlin uhnës rëkwa lëmën: kwëhnaryin fop nahan ndampo fo, do gwëryëlëryin fëna. Njahnëlëryin ntëw̃ëlëw̃un had vahnë hun; geryin vahnë vëhnëŋah, do banaryin haryënkwe vëÿënta hun va. ⁹ Ge ahnë ntiku uwëh, antë aliguna uwëh; ge ahnë njewëku antë ayewëguna. Dëwanëhnëryindëna kwëlëkwël, kabi soŋe rac macahnëku Wënu ŋa, ðanko ndëwahnu.

¹⁰ «Ale ÿad ŋahn uwám

do nuÿa wafac wafërën

tëfëka mëk ryëw̃ lëw̃u hnë inës wameh

do wës lëw̃u gë wanës wante rokad,

¹¹ ndarënd uwëh w̃a do ntind ufërën,

njëkëlehn yam ÿa do tëfëlehn g'intaw̃ary
ntëw̃u fop.

¹² Ahwëhn a keryëðëhëhni vësatah va,

do vanëf vantëw̃u va hnëpað wayëfa walëw̃
hni w̃a;

bare yëka Ahwëhn a niÿahnëkëhni vële lid wëh
soŋe antë nke aÿëw̃ alëw̃ hni.»[☆]

¹³ Mo lidëhu uwëh ge kahnëndarun idi ufërën

w̃a? ¹⁴ Lakënde ahnuÿawu wahorot kabi ufërën
lidun, mbetaðun. Antë ntaku gë ahnë, do

antë pëmpëhna. ¹⁵ Bare ntënënerÿina hnë
wasakahn hun hna Këris had Ahwëhn a. Ge

[☆] 3:12 3.12: Wahnëw̃ 34.13-17

ahnë tøyëku, këbënyarin ayabahnu itamahn nte hwëhnarun ña. ¹⁶ Bare diryin wajira fo do g'untënah, g'ikwëhna nahan përen, ðanko vële hnësëð uwëh soñe nkeya përen hun gë Këris ña cëfëhnëhni soñe ile njewënihu ÿa. ¹⁷ Ha, ge Wënu ña ñad, apecek ahorot hnë wapëren wante lidu ña g'ile horotëdu hnë wameh wante lidu ña. ¹⁸ Këris umë dënk korotëk hafo cëm hwënta ryampo fo soñe wameh ña fop; umë ale wok menëna, acëmëk soñe vahnë vëwen va. Ntiko koyëna ðanko njiryeryahnu gë Wën. Paß g'imbahn ntëwu ña ndawïko bare paß g'iyir ña mbokaryijik wám hna. ¹⁹ Do njiko had iyir pëyahni imëk ntëwu ña wayir wale sëðiko kaso hna, ²⁰ vële woko vëwawëhnëlahna Wënu ña kobëri ña, ante tufahnëðëho duñëna ntëwu ña wati nte ntidëho Nowe sisikulu ña. Vahnë vële fehëntiko wënka va vëyabëlohna, mbëð gë vërar fo nkeniho. ²¹ Wañi wënka yeho had yarya le fehëtëðëhu gaki ÿa. Iÿi yarya, gena idag ronk mbahn. Hali, dahëse ye le rufahnëð mëta imac Wën g'inahan përen. Rac fop ntiyað gë fere bëhn Yesu Këris, ²² umë ale hayëk ambin do lañak farëhw Wën hna. Wamëleka ña, gë vësankaf va, gë fop vëÿi vëÿëntaw vële hwëhnak fanka ambin hna mawëhnëniha.

4

Itav wameh

¹ Atac, kabi Këris korotëk mbahn ntëwu hna, wühnë fëna, kwëhnaryin nahan ndampo fo gë umë. Gena bi ale horotëk mbahn ntëwu

hna ravëk wameh ña ² ðanko, hnë wafac wale wojëka wã nkal li, uwám læwu wã nke gante ñad Wënu ka, do tav wëbal wameh wëba vahnë? ³ Gwërënkehu wati idi had gante ñadëni ntini vahnë vële wok vëyëtëlahna Këris va: aki fo nke-yarëdëni, tëfëdëni wëbal wameh, andëwëdëni, atokëdëni dëcët do cedëni dëcët uñen bulunda hna, cëmbëdëni waravahn wasëfëhnahnah. ⁴ Gaki, kabi goluhna arëfëlëndu, gë vële wok vëhwëtahnëna va, hnë vankeya vameh dëcët hna, apëmpëhnahnëkëhni, do anjëwëdënihu. ⁵ Bare afo nkabahnëni haryënkW Wën hna wante ntini ña. Akëbënak kitiñëhni vële wok gë vële sëmëk per. ⁶ Soñe umë ye vësëm va fëna pëyayini Wanës Wakasëk ña. Akitiñini paß g'imbahn ña had vahnë va fop, bare gaki kodëni nkeni paß g'Iyir ña had Wënu ña.

Gante tëfëka ndemalëndëni vële hwëtahnëk va

⁷ Wapuya ðuniya ña pëñajëk! Soñe rac, tëfëka ayewu vëseryah, do nëgëtëryin wahakili hun wã ðanko aholu ayëfahnëndu. ⁸ Ile ýak nëfak ýa, ñahnëlëryin ðus, kabi iñahn ña tavëhnëd wameh wayabah. ⁹ Yotoyehnlëryin hnë watare hun hna g'uhnatah. ¹⁰ Wënu ña njëdaku wafere aryemalëndu gë vëyënta hun va. Geryin had vëryokuñ vëfërën vële hod paßëni wayëd wanëmpëlah Wën. ¹¹ Age ahnë nësëd, wanës wadëwu ña nke wëba Wën; ge ahnë ndemadëha aýëntaw, uryema læwu wã nke gë fop fanka fale njëdaka Wën fa, ðanko, paß gë Yesu Këris, Wënu ña cëmbi hnë fop, umë ale hwëhnëk icëmb do imëk soñe kantëm. Nke koyëna!

Mbetani vële horotëd had Këris

¹² Vëyahnik mën, antë pëmpëhnahnu gante njëkëhnahnëderun gë wahorot wahambah ki. Antë ahnahaŵu waŋi tēfēlahna tēki. ¹³ Bare natëryiŵu kabi nkentahnirun uhorot Këris hna, đanko fac le nuhandëni vahnë icëmb ntëŵu ŋa natahnu paryi. ¹⁴ Mbetarun ge njewëderun kabi vërefal Këris yerun, kabi Iyir icëmb, Iyir Wënu ŋa, hnë ŵuhnë nke. ¹⁵ Ahnë-wo-ahnë hnë ŵuhnë antë korot kabi aryawŵ vahnë, ale ma aŵen ye, ma kabi ale yentahnik wëba vëyëntaŵ ye. ¹⁶ Bare ge ahnë korotëd kabi kwëtahnëka Këris, antë cëfëhna; hali, camehna Wënu ŋa fo had gante ntehnëdëni vahnë ka ava Këris ye.✧
¹⁷ Wati kitiŋ ŋa tēkik, do pëgwëhnahnëkëhni vahnë Wën va. Do ge pëgwëhnahnëkëfu, hak puhnadëhëhni vële wëyëk vëhwëtahnëna Wanës Wakasëk Wënu ŋa? ¹⁸ Had gante nësëk Vikërëh ka:

«Ge ipëh vësatah va ntačkëk,
 hak nkeďëhëhni vëyapah va
 do vëŵen va?»✧

¹⁹ Koyëna, vële horotëd kabi maŵëhnëni iňa Wënu ŋa njëđaniha aŷahan ahahnëndak a vintaŵary vidëŵ hni va, do nkoď ntindëni ufërën ŵa.

5

Vicër gë vële hahnëndak

¹ Doliŷi vicër vile ye fagant hun va hnësëhnëdëfu. Ami dënk acër yeđu had

✧ 4:16 4.16: Vantiyehn 11.26 ✧ 4:18 4.18: Wanira 11.31

ŵuhnë; sede yebu hnë wahorot Këris hna, do nkentahnëdebu hnë icëmb nte rufande. Wëlin wante rëyëdëmu ŋa: ² Keryëryin ntega nte kwëtehahnëku Wënu ŋa, ayëkanduni hara gena forosima, bare afaya fo, had gante ñad Wënu ka, gena soŋe avetahnu, bare kabi ñadun paryi. ³ Antë aryëcëtahnni ucankaf hun ŋa vahnë vële hwëtehahnirunëhëhni va bare diryin gante tëfëtalahnëdënihu ntega ka. ⁴ Do ge Asankaf vëheryëherya va karyëtajëk, njeďadëhu pënkwa ahnaŵ, nte wok përekadina, soŋe imëk.

⁵ Koyëna fëna, vëjar, dënëneryinëhni vicër va. Do ŵuhnë fop, hnë nëŋëla hun hna, cudaryin iġana, kabi Vikerëh va ntehnëk:

«Wënu ŋa ñëŵëkëhni vële hnaÿënaď va, bare tufëdëhëhni përena dëŵu ŋa vële vanad va.»[☆]

⁶ Awa, banaryin haryënkwa fanka sankaf Wënu ŋa, ďanko naÿënahnu hnë wati le tëhnaġ hna.

⁷ Do tavëryin gë umë fop wafëmpëhnahnah hun ŵa, kabi pabëku.

⁸ Nëgaryin, do kwëtëryin hakili! Kabi aÿëŵ hun a, Sintani ŷa, yasëlehnëď had vësëhn ile ryekad, yëkëlehnëď ale tokëď. ⁹ Kahnëndaryin, yaŵënarinyin hnë ikwëtahn hna, kabi njëtërun vële hwëtahnëk nkal li fop va iÿi horot nudëni vëhni fëna.

¹⁰ Wahorot hun ŵa biÿëďina. Wën, ale hwëhnëk vifëren fop, macëku soŋe ayentahniŵu hn'icëmb ntëŵu kantëm hna kabi mbëmënkëlërun gë Yesu Këris. Umë

[☆] 5:5 5.5: Wanira 3.34

dënk matëndëdëhu, njawñëndëhu, njëdädëhu fanka fale hamëhnañehnëdëhu fa do kodeluhna ahëfiwu. ¹¹ Arabi imëk inja nke gë umë soje kantëm! Nke koyëna.

Simpañi rëkwa

¹² Silëve* ryemako herëhnëryiwu inji kayëte. Ge ami ye, aýënta fu ahahnëndak ye. Kamënañehnëmu, do pëyamu rac ye ipërëna paryi Wënu ña. Yañënyaryin hnë inji përeña.

¹³ Vële hwëtahnëk ye Babilon va nkañëryinihu, Wënu ña tëhnakëhni had wuhnë. Ajë mën hnë kwëtahn hna Marëk nkañëryiku fëna. ¹⁴ Gañëryinëhni vële hwëtahnëka Yesu va g'ñah nte rufande vëýënta hna. Nuñaryin yam ña, wuhnë vële kwëhnëk Këris va fop!

* **5:12** 5.12 Silëve wacik fëna Silas.

**Vikerëh Vikasëk Wën gë Wapëgwala
Wamey: Vikerëh Vikasëk Wën gë Wapëgwala (New
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 21 Feb 2024 from source
files dated 29 Jan 2022
f961026b-f72f-5bd7-9f75-efa7f932577e